

關帝鑒定丹桂藉

259  
3150





關聖帝君鑒定

丹桂齋

板存京都楊梅竹斜街宏  
文齋任人印送不收板資

丹桂齋





4282  
光緒癸卯協合  
宋巴唐氏重刊

乙酉秋闈後與在都友人請乩仙問科名

蒙仙

十二平六民士當必歐未謂之



子雲降筆示以今科兩人應中但因斷喪過甚

罰停不中從此果弗痛改前愆恐將來終

無出頭日矣並因近今士習半類於此

關帝深惜之特命作訓世文數篇君等不中自

知其故並用童子扶乩老農認字蓋恐疑



生人僞託也明宵監場神周子敬奉命  
作序並諸仙作勸孝戒淫戒煙等文務刊  
行世其諸所詠詩皆宜附惟贈詩勿刻勿  
始勤終怠勿口是心非勿惜小費勿募人  
錢勉之哉今將付梓謹誌其緣起如右  
光緒十二年六月上浣改過未能之室發  
刻印送

子敬周夫子降筆

序  
幸生盛世文運炳然詩成八韻文就三篇  
榜名二百法律七千失意者書空感憤得  
意者玉馬金鞭或恨文宗無眼或謂文字  
有權或道八斗才高知音者少或云三條  
燭盡古調獨彈各逞已見嘖有煩言豈知



名登天榜、主考無權、負人錢財者、落其草  
稿、淫人妻女者、污其文卷、寒士以教讀誤  
人、同考官欲薦不得、富室以豪強壓衆、大  
總裁命中良難、自縊者懸魚眼釘頭、枉死  
城請從知己、自刎者斃鷲毛刀下、閻羅殿  
共訴心田、惡鬼猙獰相遇於龍門之下、芳  
魂縹緲、相逢在矮屋之前、誤人名者罰科、

嚴遵定律、敗人節者處死、錯認良緣、明遠  
樓高、四面旗陰風颭颭、至公堂遠、一聲鼓  
霹靂填填、亦有青年佳士、總角儒生、益收  
師友、德積祖宗、素不能文、八百字成如天  
造、題未甚解、一霎時悟自夢中、風瀟雨晦  
之期、鬼神來告、漏盡鐘鳴之候、精力環生、  
窮秀才以二十兩、買箇陰功、來歲產請纓



之子老處士以五百文全人骨肉入場來  
報德之翁曹鼐不可之言四箇字飛來殿  
下宋祁及第之兆一枝杏開向雲中凡此  
等等確有明徵擘以答擘功以報功欲除  
短髮之妻應中者不中不棄失日之婦無  
名者有名奈何迷途不反醉夢難醒何人  
警覺

子雲仙翁正當乙酉秋闈人文薈萃施得普天  
雨化木筆崢嶸蓋雖

子雲之心而實

關帝之命也

關帝以人文不振由於士習不端適值

子雲送奉天鄉試冊來京卽令

子雲作訓士文一則



子雲細思士子所重者、莫如科名仕宦、爰題其  
篇曰、科場捷徑、仕宦先聲、訓誥於修士之  
廬、刊刻於善人之手、假二童子扶鸞、凡令  
老農夫認鸞字、蓋恐人之疑爲假託也、斯  
科我亦隨

監場神來京、揭曉之後五日、適值

子雲之文成、乃喜而爲之序、壇中諸子勉乎哉、

子雲胡夫子降筆

科場捷徑說

問科場有捷徑乎、曰有、一在孝於親、以雙  
親爲活佛、何必遠寺燒香、一在敬於師、以  
師訓爲要津、何必私通關節、人當窗下、行  
文時輒許青錢、一入場中、閱卷者橫加白  
眼、此亦足以咄咄書空、鬱鬱不得矣、豈知



消沈玉籍、皆因暗室虧心、本當潦倒名場、  
何恨文宗無眼、素日蜂遊蝶醉、見妓女而  
牽魂、否則弄月吟風、聞考課而疾首、胸中  
墨瀋、盡墮於柳巷煙花、身外邪緣、更使之  
乘風縱火、適值文君解意、輒效司馬以鳴  
琴、卽逢漢女出遊、也向交甫而脫佩、因財  
得禍、受其禍反昧其因、似是而非、蹈其非

轉襲其是、舌尖似劍、可以無刃而殺人、筆  
快如刀、不難變白而爲黑、從我存逆我亡、  
惟大邪紳能禍福、飲人血、食人肉、是真強  
盜無戈矛、以曲爲直、囹圄中填冤似海、壓  
良爲賤、宗族上飲恨如天、此外若羣居終  
日、假博奕以消閑、虛度半生、置史書而不  
顧、永宵聚首、談人閨閫而津津、盡日豁拳、



愛聽絲絃之裊裊、手生眼大、空肚腸豈有  
文章、心苦口甜、臭皮囊一腔鬼祟、狗苟蠅  
營、半生來斯文掃地、魚愚鹿魯、寸心內惡  
孽滔天、更有古今罕見之奇、犬馬不爲之  
事、漁獵男人之色、美少年甘作變童、裝點  
女子之容、大丈夫儼然巾幗、一堂聚首、外  
假朋友之名、十載同窗、內藏談諧之志、傳

播人間、雞狗不食其肉、勾拘地府、魍魎得  
剖其心、究之妻女酬償、醜聲藉藉、兒孫敗  
壞、果報昭昭、如此所爲、身雖生而心早死、  
尙望科名乎、奉勸青年佳士、黃卷名流、勿  
淫人妻女、勿顛倒是非、勿作爲無益之事、  
勿狎暱有損之人、擯私慾以鎮靈臺、憑天  
理而除孽障、美女來奔、魯男子閉門不納、



黃金竊送、楊學士自問有知、隻字不入公門、視徑若寶、片言不通公府、守口如瓶、少者宜懷、懷其少當憫其憫、朋友有敬、敬在友、卽益在心、公正廉明、不愧玉堂金馬、孝悌謹信、豈終雪案螢囊、爲天地間無愧之人、立定腳根、撐起脊、作古今來有用之士、展開眼界、放平心、得意時勿忘失意之事、

失意者勿謗得意之人、是非自有定評、幸獲者古來有幾、果報更無或爽、登第者未必無因、我今示人以捷徑、人可勿入於歧途、天榜非命運可憑、由天不由命、德行非文章可假、在德不在文、勉而行之、文隨德茂、命自天成、世代簪纓、其爲榮也遠矣、



命自天知世外舊恩其爲榮出於天  
文章下則吾亦不亦文煥而符文則  
發天發非命致可致由天不由命  
無因與今示人以其於人可致人  
蘇清古來有發果勝更無其於  
夫其清發其於人景非自其於人

子雲胡夫子降筆

仕宦先聲說

問仕宦有先聲乎曰有一在讀書時見眞  
守定小孝愚忠非所學一在居官時盡心  
竭力欺君罔上非所爲在草茅中能受苦  
方爲有志之士在廟堂上能修福方爲足  
智之人處士好言忠何不反求諸本貪官



好言讓、何不反問諸心、仲氏以折獄名、良在韋布已無宿諾、元公以多材佐治、當患難猶有藎心、否則文不能富國、鵠味空濡、武不能強兵、鹿奔可恥、刑官無子、網宜三面之開、蠹吏亡家、甕待一朝之入、朝廷養士、所以望我者何如、樗櫟呈材、所以報君者何等、試看白日升天、皂隸有恤刑之意、

紅光滿室、老年有生子之祥、天地間果報昭昭、宦海中回頭宜早、古今來名流箇箇、歧路上醒夢何遲、默中有一瓣心香、趙清獻居官廉敏、背上刺四箇大字、岳武穆報國精忠、聞午夜之雞、祖處士勤勞特地、見叢薄之犬、韓宰相氣焰薰天、宰輔不明、權愈尊而愈誤、有司不法、官愈小而愈貪、以



國課入私囊、損君利己、以民脂歸刻剝、誤國肥身、身不到大堂、刑名委書吏之手、目不識紇字、呈詞任搢紳之家、上下舞弊、小官事閑壓三年、狼狽爲奸、大詞訟值錢萬貫、良民敗產、只因一字入公門、大寇逃生、止爲千金通要路、何是何非、有錢者有理、無清無白、能殺者能生、對長官而搖尾、九

尾狐豈有人心、見末吏而生威、五殿閻不嫌鬼瘦、平民入網、方知獄卒爲尊、窮漢乞憐、空說太爺在上、衙役竊柄、狗臉生六月之霜、門房擅權、虎猛斷九衢之路、究之一朝花謝、千載臭遺、身受者鳴其冤、耳聞者誅其罪、世間餓鬼、無非悖入貪官、輪轉畜生、盡是愛錢污吏、與其後悔以無從、胡不



早思而勿犯以上種種爲官者或有不知、  
我爲之罄絕言之聊以醒心非敢謗世爲  
官者見之勿謂我言之刻須知我亦居官、  
不過以區區苦心爲同寅一勸而已、

子雲胡夫子降筆

曩昔之日吾見

關帝於金闕

關帝謂予曰吾在廟中見人之紛紛而來禱者、  
或求名、或求利、從無求父母康健許挂袍、  
許挂匾、從不許勸善經文百折不同、致使  
諸仙落淚一迷不悟、定教惡鬼煎腸、大劫



當前誰克保全首領去，良言在邇尙須嚼。  
出汁漿來逆子焚身，魂散霹靂之火逆婦。  
剖腹血污偃月之刀，嗟乎頑石有點頭之  
日，何以長軀六七尺，竟無一隙之靈惡人。  
有齋戒之時，何以讀書數十年，竟無幾希  
之悟，以學校之身，甘作強盜之事，卽至地  
府內，焉得無劍樹刀山，以衣冠之體，包藏

畜類之心，再入輪迴中，安得不披毛戴角，  
然吾終不忍以禽獸待人，尙冀有挽回之  
路，人苟知以髮膚自愛，豈終無醒悟之時，  
寶筏同登，放下屠刀成佛果，慈航普濟，撥  
開雲霧見青天，當改之過萬端，勢難枚舉，  
最要之事有二，敢憚煩言，假君木筆，宣我  
春風，一爲戒遠遊說，一爲處家庭說，非詡



驚才絕艷下筆千言權作午夜霜鍾當頭

一棒

關帝命胡夫子作

花朝月夜

戒遠遊說

人生襁褓之中斯須不離父母父母垂老之日亦斯須難離其子父子母子更相爲命李密陳情之表所以不忍卒讀也奈何關山萬里風雪三更子所未到之處皆親所懸揣之程一日思兒十二時神傷不覺



一年思兒三百日、老至何知、暮齒衰頽、因  
焦心而寸心已碎、征途遙遠、極望眼而兩  
眼皆花、三月三秋、夜夜盼五更之夢、依門  
依閭、年年迴九曲之腸、膝下有三尺童孫、  
尙可牽衣而索笑、家中無並肩次子、誰爲  
負米以承顏、況乎子在外、而親心俱去、親  
在家、而子身常離、鞍馬秋風之地、旣恐水

土不調、煙花柳巷之中、又恐疾病易染、每  
聞鈴韻傳來、輒謂遠行轡反、迨至車聲過  
去、不覺終日魂銷、望歸歸不得、轉而望兩  
字平安、恨子子不知、轉而恨一封珍重、晝  
則長吁短歎、一聲聲血淚拋紅、夜則擣枕  
搥牀、一刻刻鬢絲變白、爲子者思之、當亦  
知富貴別離、封贈而有餘感、不如貧賤聚



首菽水而有餘懽矣。迨至悲興風木，一抔  
之土已乾，祭設杯棬，九重之泉豈到，以嘯  
泣憶鳩鳴，杜鵑徒染，以紙灰代鳥哺，蝴蝶  
空飛，與其馬鬣常封，沒後之唏噓無及，何  
若雞鳴早起，生前之問視無虛哉。

關帝命胡夫子作

處家庭說

曩者過遼東，遊江北，見人薄父母而厚妻  
孥，親婚姻而遠兄弟，箕裘雖巧，巧不過枕  
上鶯聲，壺篴雖調，調不過牀頭琴瑟。叔嫂  
相戲謔，何況濮上桑中，父子有私囊，安望  
分金助麥，見岳父岳母而開顏，可憐白髮



高堂常遭唾辱之語、爲妻姊妻姪而設席、  
可歎族中伯叔、從無杯酒之歡、嬌妻一喚、  
連聲應、老母頻呼、若不聞、子原無病、也怕  
風寒、親本有疾、說他莊點、手足本相關、止  
因妯娌不和、遂至析其居而分其產、親戚  
原走動、止爲貧富不等、遂至過我室不入  
我門、大人妄言妄語、小孩也敢罵人、男子

爲賭爲非、婦女也要押會、更有無恥之徒、  
亂倫之輩、媳婦而鹿辱其姑、老籩除暗中  
指使、主人而雞姦其僕、爾婁豬明地償還、  
翁不翁而媳不媳、禽獸衣冠、女不女而男  
不男、丈夫巾幗、吸煙者骨如雞架、父母之  
遺體何辜、好賭者產被鯨吞、祖宗之家資、  
蕩盡、吾今爲之說曰、父慈子孝、兄友弟恭、



爲親者勿愛憐少子、須一體關懷、爲子者勿寵信嬌妻、要三綱鄭重、別男女、雖姊妹亦宜避嫌、況乎叔嫂、體父母、雖親戚亦宜加愛、況乎弟兄、飫豆儋籩、紫荆樹常生赤縣、棠華棣茂、花萼樓高、聳青霄、賡伐木之章、知朋友有通財之義、讀谷風之什、知新舊無棄汝之時、家室靜而好、不聞詬諍之

聲、耨鋤服其勞、要見婉愉之色、爲子請賢師、丹桂長詩書門第、爲子留大德、黃金生忠厚人家、女子七歲、知識漸開、不得常出中門、男子十歲、功修宜勵、不得常歸內寢、遷遷遷、時時有鬼神在前、改改改、箇箇以人形自待、儻敢依然如故、青龍刀定斬其頭、若果刻自加新、赤髮鬼不食其肉、有負



吾教請試吾刀

湘雲仙師降筆戒淫文

戒淫文多古本奈何人人若罔聞我今爲  
之愷切陳一字一淚何傷心處子守貞世  
所知胡爲一見繫君思千樣方百條計非  
墮其術不肯息昔日爲完璧今日玉有疵  
難堪合卺見夫時寡婦守貞最可憐畏畏  
踽踽對誰言冰操竹節人人羨甘心守苦



不願甜、如此日復日、年復年、天荒地老有  
何限、奈何一相遇、苦糾纏、須臾使抱終身  
憾、懽娛祇眼前、不久當蓋棺、悲哉怎見亡  
夫面、似此兩端不忍言、一字一淚我心酸、  
身名莫使白圭玷、普告人間惡少年、此外  
若尼姑、零丁而孤苦、不得依弟兄、不得靠  
父母、不得弄瓦璋、不得成夫婦、一聲清磬

竹蕭疏、全仗如來相救度、此尤難中難、苦  
中苦、最難保全後半路、奈何禽獸心、竟敢  
將他污、敗壞佛法、浼佛土、生當剗心死、剖  
腹、說甚麼後果前因、但祇要除妄歸真、世  
間女節重如金、何況尼姑更不羣、如願保  
全成正果、勸君須發菩提心、至於僕人婦、  
役人妾、分雖卑賤、性同潔、一朝勢逼玷終



身鮮廉寡恥惹人說、父母聞之肝膽裂、丈  
夫知之恩義絕、子孫數世難擡頭、眼中之  
泣心中血、此中景况真又真、君試回思忍  
不忍、殺人不過殺其身、淫人卻將三世殞、  
君家亦有嬌妻妾、設身處之當懍懍、我入  
人之閫、人入我之門、相逢不必相迴避、世  
上淫情半似君、有夫淫婦最可惱、中葶腥

聞不可掃、家法嚴、庭訓好、怎奈見人心變  
了、花前月下偷期早、野有荒煙依蔓草、攜  
雲握雨正逍遙、丈夫拳拳知道了、仗彼劍、  
動彼刀、登時化作途中殍、望鄉臺上蓮花  
笑、枉死城中蛾眉掃、我一思之毛髮豎、紅  
樓幻夢醒宜早、凡此等等筆難罄、聊綴數  
言勸人省、妙齡處女守其貞、人當體貼見



夫情精光耿耿仰婺星、滿腹悽殘冷似冰、  
鬼神見之猶欽敬、奈何人生詼諧情、尼姑  
之體亦蒼生、祇爲運窮入寺中、皈依佛法  
由前定、稍有人心當珍重、僕婦役妾命不  
通、寸心羞恥與人同、奈何行姦計最工、不  
以情誘以錢動、以錢買罪將何用、買得嬌  
妻與彼同、有夫之婦理難容、彼雖無恥夫

自聰、夢到甜鄉猶戀黑、血污寶刃已飛紅、  
奈何人夢夢、



目擊夢降時、喉齒懸黑血、河寶氏與張珠

余所人夢夢

湘雲仙師降筆勸孝詞

孝罔極、深恩何日報、少儀內則人人曉、此  
中恩情說不了、吾今約略試言之、不必作  
文、但作詞、自生至沒、百十年、昧昧我思心  
膽寒、父氏精、母氏血、子在腹中盈十月、十  
月懷胎、母氏勞、一身拘繫難動搖、分娩時、  
心緒焦、爲人爲鬼難逆料、此係人生生死



關瑩瑩血淚不曾乾、母氏受其艱、父氏心  
不寬、爲子安知生子難、幸得無災害、呱呱  
撫嬰孩、三年然後免於懷、一息未敢離、一  
時不曾去、啞啞一笑親懽喜、飽不知其飽、  
飢不知其飢、千般撫養勞心緒、爲孩提易  
染疾、護持調養勝於已、甯可已有疾、必欲  
子安息、推甘就苦何曾惜、好容易子成立、

尋師訪友重重計、爲子聰明尙可言、生兒  
魯鈍覺心煎、看鄰家子皆賢、奈何我獨無  
此緣、恨不得手扶爾採芹、眼見爾入泮、中  
舉會試總由天、採芹入泮、豈真難、父母知  
德薄、本不敢高盼、奈何讀書一味嬾、街市  
繁華皆所念、父母日日望、心間吸煙縱賭  
誰人愧、子開笑口親含淚、踰牆鑽穴何人



羞子所怡情親所憂轉瞬已多年爲子將  
弱冠御輪奠雁冰初泮娶媳賢尙可言奈  
何新婚竟把舊恩間親爲子生暝媳心先  
不順罵雞詈犬使親聞親爲媳生暝子心  
先不忍怒眉瞪目將親恨親在家衣絮子  
在外衣錦歸裝先載脂合粉卒至鴛羽落  
雁影分皆因枕畔鶯聲近子如此不才爲

親豈不怪拳拳仍復將他愛愛子兼愛媳  
痛兒更痛孫君不聞老牛餽犢鹿呼羣物  
猶如此何況人兒雖逆口不云櫛風沐雨  
甘心任教稼穡勤耕耘五更半夜睡也睡  
不穩疾已入病已深死難瞑目爲兒存萬  
種心情說不盡何術克酬罔極恩奈何有  
親不思報及至無親空言孝血淚拋黃泉



老青冢一堆草沒了、蝴蝶飛、杜鵑叫、杯棬  
雖設誰知道、從此一回思、心酸淚自滋、汝  
亦生子復生孫、檐前滴溜當歸根、逆報逆、  
順報順、此中報應毫不紊、陽間報子孫、陰  
間報本身、刀山懸掛負恩人、此理真又真、  
奈何君不信、

青鸞仙師降筆戒鴉片詞

溫柔鄉、莫徜徉、煙花柳巷將人傷、賭博場、  
莫依傍、敗德喪品此中藏、他若衣一領、酒  
千觴、紈袴子弟學浮蕩、害人事、有千樣、筆  
難盡述、尺難量、然而害人害不長、惟有洋  
煙毒莫當、初喫時似無傷、身依雲霧口銜  
香、到後來內腑戕、鎖人陰水損人陽、面兒



似黎黑皮兒似紙黃骨如雞架莫三兩冬  
日不覺短夏日不覺長俾晝作夜無事忙  
紅日滿東窗猶自卧華堂夢魂顛倒神恹  
恍睡如尸徧體涼嬌妻美妾空惆悵說甚  
麼地產房糧只賸下半盞燈一杆槍煙灰  
滿臉嬌模樣豈無良朋勸千言萬語相抵  
當也有弟兄關痛癢徧街訪問忌煙方也

有父母望兒良嘔出心肝哭斷腸過了癮  
意揚揚說是明天就忌有何妨那知道犯  
了癮鼻涕眼淚一雙雙咬鋼嚼鐵男兒漢  
甘入人間餓鬼行也有居官咄煙者浪費  
錢財仰宦囊雖不至爲乞丐繞村莊朝衣  
也許頻來當日不覩桁楊身不理詞狀日  
已沉西卧內房象貌本慷爽聲音本朗鬯



無奈煙灰塞了嗓、有時坐大堂、面如鬼、可稱五殿王、音似啞、那及當道狼、任憑他清似水、潔如霜、也許得賣法貪贓、預先準備土幾兩、見上司莊模倣樣、那知道一開口、便露出煙灰入腹腔、也有讀書識字人、聰明靈秀本超羣、論天資、邁其倫、論學問、秀而文、師生朋友期許甚、卻被洋煙誤了人、

朝夕晝夜咄不盡、那有工夫讀詩文、漏已盡、更已深、一口兩口未離唇、癮過足、頭低眼倦似消魂、癮未足、心煩意亂坐不穩、試思一日十二時、非醒卽醉時、時侵醉時也是沒精神、醒時更當悶煞人、雖有父母疾病師保、瞋也須咄了這一口、再去理論、到場中、枯腸搜盡那有文、台堦頂上房檐底



下鋪著狗皮兒把煙來薰、一聲堂鼓耳中聞、意恂恂、也不知是何處音、數棒銅鑼場外巡、眼沈沈、又不知是何所禁、任憑那收卷官屢次催逼、監場人連翻督問、就說是公子少爺尙未過足癮、似此可恨、何不懍懍、奈何已入者心傷、白將性命爲他償、未入者心恍、偷將鴉片暗中嘗、少以許之曰

不害、偶以爲之曰無妨、繁華何限來京裏、風月無邊到瀋陽、煙與色相當、金籤玉貌陽臺上、酒與煙相將、綺筵散後銀燈掌、賭鬼將神傷、吸下洋煙神偏旺、食後氣不壯、吸下洋煙體舒暢、世間害人事、都與煙同行、重則命被殺、輕則錢遭殃、外而害品行、內而害腑臟、下而害妻子、上而害爺孃、然



而百害何非害、除卻洋煙害不長、

湘雲仙師降筆

留古書萬卷、仰蘇歐、會心讀、子細謳、尼山  
木鐸振千秋、杏壇花不老、洙泗水長流、就  
怕人中道而廢、不似顏淵似冉求、試問那  
馬融絳帳何所授、康成聽講胸中何所有、  
南北經師、唐宋宿耆、朝稽夕考、何所究、也  
有處士七松、先生五柳、芒鞋竹杖、辭花綬、



也有對月開筵、臨風把酒、錦心繡口、嗤人  
陋、總之輕狂一派、豪放同流、孟子見之、鼓  
以攻、孔子遇之、杖以叩、何若思君子之九  
思、友益者之三友、處變則一息尙存、一步  
不敢苟、處常則念茲在茲、精察而一守、武  
王訪範與陳疇、不過是尊師重友、太公垂  
釣已白頭、不過是小知大受、湯三聘、尹五

就、男兒自有致君謀、所以張良借箸、籌凌  
煙、畫閣幾經遊、汗馬功勳、鐵硯酬、然而誰  
能殼、

其二

我與爾等尙何言、勉遵庭訓、勝扶鸞、勿近  
無益之緣、烟柳巷、何戀戀、玩花縱酒、病易  
染、人生百事、總由天、意外財、何必貪、不能



僥倖徒行險、閒不看書卷、愁不覽詩篇、一心妄想將天漫、明明紙窗寒、忽然想到層樓殿、明明布衣單、忽然想到詞林苑、明明茶不溫、香不煖、忽然想到倚翠偎紅玉樓邊、一天天閒居爲不善、見人而掩然、你豈知坐不透的青毡、磨不穿的鐵硯、非盡苦心向裡鑽、蒼天不隨男兒願、然而人當勉、

其三

漏盡鐘殘、四壁蕭蕭、人意懶、階前雨未乾、坐久覺衣單、想起五百年前事、心酸鼻酸、命也復何言、喜爾等可與談、詩詞歌賦幾多篇、枯腸已搜盡、木筆告摧殘、前途歸去本不遠、我將還、

柳仙降筆答問科名



功名自古由天定、本末原來未可知、陰陽  
文章兩樣事、問心何必問神祇、

其二

文章工拙、德性盈虧、兩無足錄、令人心灰、  
胡仙師子雲降筆答問科名  
朝廷所重惟文章、多士來觀上國光、祇許  
桂花香折兩、舉頭雲路易青箱、

其二

年月逢乙酉、功名必應有、東籬菊、南浦柳、  
且攜雙柑與斗酒、槐兄橘弟、筆朋硯友、丹  
桂兩枝、其事非偶、來年春、今年秋、我非李  
青蓮、也要向翰林院走走、爾等誰有志、卽  
從我後、

湘雲仙師降筆答問科名



前番神訊幾分明、何必還追底裡情、已許  
桂花香折兩、自然蕊榜有先聲、

其二

君問功名我未知、祇堪永夜賦新詩、一樽  
美酒頻斟矣、兩盞清茶隨飲之、三柱朮香  
通信候、四椽茅屋換衣時、五更枕畔雞將  
喚、六尺閑身暫告辭、

序諸仙來歷

子雲夫子來歷已載鸞文序內

湘雲女仙自言生前字某氏未及嫁而夫亡聞  
訃縗經往以身殉青鸞係湘雲弟子而子  
敬之女也以殉子敬之難沒後得免輪迴

子敬臨壇曰爾等讀明史乎我生於明末死於

崇禎大行之日京城御河橋是我殉國處



御河橋石闌上，有我絕命詞數句，綱常留  
在悲田院，乞丐羞存命一條，是其結句也。

子雲仙師臨壇詩三首

其一

濃陰嫩綠滿江城，萬里鴻毛入遠程。明月  
一團懸素影，寒潭千尺釀秋聲。百年風燭  
人將老，幾棒霜鐘夢未醒。送客郊原晴雨  
後，車輪馬迹互相迎。

其二



秋來畫意滿江村、落葉瀟瀟打客門、十里  
寒塘吞鶴影、千秋皓月葬詩魂、雁飛不辨  
縱橫陣、鴻去猶留指爪痕、野屋綠林無俗  
韻、茶杯酒盞自相溫、  
其三  
風自不寒酒自溫、吟壇小坐對江村、鮑公  
有友思薰沐、劉表無兒笑犬豚、映日鮮花

初出水、因風落葉但敲門、靜中佳趣誰能  
領、李杜文章可細論、

湘雲仙師臨壇詩三首

其一

乙酉年來酒未醒、三生石上悟前情、流螢  
數點霑薄幕、孤雁一聲過淺汀、明月無痕  
融萬里、梅花有夢入三更、鸚兒底事前頭



語露冷霜清睡未成

其二

今宵望月月偏明、冷露仙花溼無聲、酒氣  
襲人和漏永、香塵撲案澈心清、妝奩隔斷  
山村樣、機杼傳來錦繡情、飛過杜鵑啼不  
住、蘭閨愁鎖夜三更、

其三

望月平原一味涼、家家紅葉染新霜、人遊  
牛渚波翻白、日映雞林樹倍黃、大地塵埃  
迷絕塞、滿城風雨近重陽、片帆過處吳江  
冷、雁點青天字一行、

子敬仙師臨壇詩三首

其一

瀟瀟落葉滿汀洲、十二欄干憶昔遊、楓陛



龍顏依舊赫，槐陰蝶夢幾時秋。玲瓏寶塔  
層飛鷺，澹泊漁溪靜伏鷗。一棒寒鐘鳴遠  
寺，當年寵眷已難留。

其二

星移物換幾多年，今日相逢石壁前。檻外  
金風吹颯颯，天邊皓月掛圓圓。赤文綠字  
千秋法，鴻範丹書百代傳。乞丐雖然無大

化，思將鸞語紹前賢。

其三

朱衣點首傍歐陽，忠孝詞臣列玉堂。千里  
毫釐容錯誤，七篇八韻費端詳。珠璣箇箇  
盈金匱，彩綯便便出繡腸。今夜文昌星閃  
鑠，仁宗選卷幾焚香。

子雲仙師臨壇詩



風清露冷滌塵埃、纔自西天赴宴回、月姊  
霓裳翻舊曲、天孫雲錦出新裁、彌陀寶輦  
龍銜出、羅漢輕車鳳駕來、箇箇仙顏齊帶  
笑、五雲樓閣聳蓬萊、

丙戌季春、與友人陪都重聚、商議刊刻去  
歲所得之

鸞文、迺請

仙師校正、

仙師既至、蒙

賜歌詞數章、今並錄之、以付手民、

湘雲仙師降筆



分手以來半載餘、當日言談猶歷歷、今日  
乘閒一相見、風雨瀟瀟四壁寒、對面是香  
煙、燭焰當頭是畫棟、珠簾金樽對綺筵、鴨  
綠漲前川、沾衣欲溼垂楊綫、泥滑滑、夜漫  
漫、辜負了院落鞦韆、酒旗歌板、雖有彩鳳  
金鸞、接我上青天、也須月姊星娥、封姨電  
母、擎著傘、

湘雲仙師降筆

時值夜雨

雲煙四顧滿江天、生意叢叢塞草邊、知是  
天心終愛物、不教霖雨舊期愆

又

九點煙鬟碧似螺、層霄一顧渺如何、當年  
委露因風處、今日霓裳奏大羅

又



香煙人影不分明、燭彩輝煌也有情、更喜  
茶僮烹茗處、蕉窗夜雨一聲聲、

又詞一則

僊酒盞、茶煙、丹竈火、綠楊天、昨日是晴風、  
披拂桃花面、今日是雨絲、牽惹垂楊綫、何  
處得明月一團、照澈水晶簾、祇賸下寒鴉  
數點、漁火一川、姑蘇城外鐘聲漫、青鳥使、

任意嬾、不來招我南、赴觀音院、何以消遣、  
惟有與爾二三子、一宿話、半宵談、一切紅  
情與素怨、付諸滔滔逝水邊、僊何必不在  
人世間、

又詞一則

明雨細、風清、踏青意、滴翠聲、玉人何處聽、  
吹笙、天台子、跨彩鳳、西王母、駕游龍、一隊



隊乘著酒興、遨遊貝闕、閱金城、賸下我江  
天孤苦、蔓草零丁、荒山日暝、白雲局、夜逢  
晴、明月伴書燈、薄幕惹流螢、怎當此水漲  
煙汀、愁鎖花容、風瀟雨晦、太淒清、颺母無  
情、贈送雨淋鈴、剛來枕畔、又滿心中、胡天  
塞草傷懷重、瑤琴一曲、何人弄、所賴宕心  
胸、講誠正、靈臺一點、明如鏡、任憑他風聲

招惹、雨氣溟濛、坦蕩居之、無不平、明達人  
知命、世間何處不蓬瀛、

又琴曲一則

高山流水稱絕調、除卻子期知音少、求凰  
一曲誰不聞、除卻文君莫細論、五絃七絃  
古所傳、落落塵世知之難、可嘆可嘆、仲由  
鼓瑟門人怨、又何論、趙女琵琶、鴻梁、阮啟



我軒倚我欄、花能解語、石能言、靜聆此中  
趣、琴無絃、味醺醺、又何必暗下水晶簾、一  
彈再三嘆、

青鸞仙師降筆

茶曲一則

茶、丹竈紅砂、兒童烹處、泉水佳、羯鼓搗、催  
放滿園花、一畦香氣沁齒牙、季春雨點正

正斜斜、何人采、懿筐女執路三叉、閨苑明  
葩、紅樓翠塌、春風陣陣點寒鴉、當此興味  
蕭然、心緒如麻、一庭雲影四山遮、小窗幽  
冷、彈棋罷、殘燈案頭剪、明月中天掛、衣香  
人影誰共話、取過茶杯兒、可以消悶去牽  
望、茶清絕滋味、茂以加、



望茶青綠滋和嫩以賦  
人深藉其精單酸茶林  
與何以消悶去率  
合動其器發創茶煎莫  
即且中天掛文香  
微然小辭賦和  
一現雲邊四山  
巖小窗幽  
頭珍點翠點春  
展轉轉課寒  
露當此興未  
其掩掩西人采  
蠶螢文輝泓三  
父園茲開





